

梵網經菩薩戒本

迴向偈

迴向偈曰普爲出資及

讀誦持輾轉流通者

願以此功德 消除宿現業

增長諸福慧 圓成勝善根

所有刀兵劫 生老病死苦

及與饑饉等 悉皆盡滅除

讀誦受持者 輾轉流通者

現眷咸安樂 先亡獲超昇

風雨常調順 人民悉安寧

法界諸含識 同證無上道

佛說梵網經菩薩戒本

書寫者：釋 能 慈 法 師

倡印者：慧 福

地址：桃園縣龍潭鄉上林村溝東路六一之五號

電話：（〇三）四七九五四九七

印刷者：菩恩印刷企業有限公司

地址：台北市長泰街二八二巷十三弄五號

電話：（〇二）三〇三〇四〇三

劃撥：一四〇五〇五四四

戶名：菩恩印刷企業有限公司

中華民國八十二年三月恭印精裝本壹仟貳佰伍拾本



半月誦菩薩戒儀式

眾既集
舉香讚

爐香乍爇。法界蒙熏。諸佛海會悉遙聞。
隨處結祥雲。誠意方殷。諸佛現全身。

南無香雲蓋菩薩摩訶薩三稱
南無梵網教主盧舍那佛三稱

開經偈

半月誦菩薩戒儀式

半月誦菩薩戒儀式

別解脫經難得聞

一經於無量俱胝劫

讀誦受持亦如是

如說修行者更難

誦者陞座

白眾云

某甲稽首和南敬白大眾。僧差誦戒。恐

有錯誤。願同誦者。慈悲指示。

菩薩戒眾等諦聽。

歸命盧舍那

十方金剛佛

亦禮前論主
當覺慈氏尊
今說三聚戒
菩薩咸共聽
戒如大明燈
能消長夜闇
戒如真寶鏡
照法盡無遺
戒如摩尼珠
雨物濟貧窮
離世速成佛
惟此法為最
是故諸菩薩
應當勤護持

半月誦菩薩戒儀式

二

半月誦菩薩戒儀式

諸大德。春分四月日為一時。^二半月日已過。少一夜。餘有一夜。三月半在。老死至近。佛法欲滅。諸大德。優婆塞。優婆夷。為得道故。一心勤求精進。所以者何。諸佛一心勤求精進故。得阿耨多羅三藐三菩提。何況餘善道法。各聞強健時。努力勤修善。如何不求道。安可須待

老。欲何樂乎。

是日已過。命亦隨滅。如少水魚。斯有何
樂。僧集否。答已集。和合否。答和合。
此中未受菩薩戒及不清淨者出否。答
此中無未受菩薩戒及不清淨者。
不來囑授菩薩。有幾人說欲及清淨。答
此中無說欲及清淨者。

僧集和合。何所作為。答說戒布薩。

諸佛子等。合掌至心聽。我今欲說諸佛
大戒序。眾集默然聽。自知有罪當懺悔。
懺悔即安樂。不懺悔。罪益深。無罪者默
然。默然故。當知眾清淨。

諸大德。優婆塞。優婆夷。諦聽。
佛滅度後。於像法中。應當尊敬。波羅提

木叉。波羅提木叉者。即是此戒。持此戒時。如闇遇明。如貧人得寶。如病者得瘥。如囚繫出獄。如遠行者得歸。當知此則是眾等大師。若佛住世。無異此也。怖心難生。善心難發。故經云。勿輕小罪。以為無殃。水滴雖微。漸盈大器。刹那造罪。殃墮無間。一失人身。萬劫不復。壯色不停。

猶如奔馬。人命無常。過於山水。今日雖
存。明亦難保。眾等各各一心。勤求精進。
慎勿懈怠。懶惰睡眠。縱意。夜即攝心。存
念三寶。莫以空過。徒設疲勞。後代深悔。
眾等各各一心。謹依此戒。如法修行。應
當學。

諸大德。今黑白月十五日。作布薩說菩薩

戒。眾當一心善聽。有罪者發露。無罪者
默然。默然故。當知諸大德清淨。堪說菩
薩戒。已說菩薩戒序竟。今問諸大德。是
中清淨否。三問

諸大德。是中清淨。默然故。是事如是持。

誦戒畢下
座謝眾云

某甲敬謝大眾。僧差誦戒。三業不勤。戒

半月誦菩薩戒儀式

半月誦菩薩戒儀式

五

文生澁。坐久延遲。令眾生惱。望眾慈悲。
布施歡喜。

半月誦菩薩戒儀式終

梵網經菩薩戒序

諸佛子等。合掌至心聽。我今欲說諸佛
大戒序。眾集默然聽。自知有罪當懺悔。
懺悔即安樂。不懺悔。罪益深。無罪者默
然。默然故。當知眾清淨。諸大德。優婆塞。
優婆夷等諦聽。佛滅度後。於像法中。應
當尊敬波羅提木叉。波羅提木叉者。即

是此戒。持此戒時。如闇遇明。如貧人得寶。如病者得瘥。如囚繫出獄。如遠行者得歸。當知此則是眾等大師。若佛住世。無異此也。怖心難生。善心難發。故經云。勿輕小罪。以為無殃。水滴雖微。漸盈大器。刹那造罪。殃墮無間。一失人身。萬劫不復。壯色不停。猶如奔馬。人命無常。過

於山水。今日雖存。明亦難保。眾等各各
一心勤修精進。慎勿懈怠懶惰睡眠。縱
意。夜即攝心。存念三寶。莫以空過。徒設
疲勞。後代深悔。眾等各各一心謹依此
戒。如法修行。應當學。

謹按此序。至為切要。除叢林布薩。別
有儀式外。凡讀經者。均應先讀序文。
不得畧。

